

**PPK 6**  
**(Disemak 2012)**



**KERAJAAN MALAYSIA**

## **PELABURAN**

**PIAWAIAN PERAKAUNAN KERAJAAN**

**MAC 2013**

**PIAWAIAN PERAKAUNAN  
KERAJAAN**

**PELABURAN**

**PPK 6 (Disemak 2012)**

## **JABATAN AKAUNTAN NEGARA MALAYSIA**

PPK 6

**PELABURAN**

Dikeluarkan oleh:

Akauntan Negara Malaysia,  
Jabatan Akauntan Negara Malaysia,  
Aras 1-8, No. 1, Persiaran Perdana,  
Kompleks Kementerian Kewangan, Presint 2  
Pusat Pentadbiran Kerajaan Persekutuan  
62594 W.P. Putrajaya.

Tel: 03-88821000

Faks: 03-88821042

Emel: [janm@anm.gov.my](mailto:janm@anm.gov.my)

Laman sesawang: [www.anm.gov.my](http://www.anm.gov.my)

## KANDUNGAN

<i>Perenggan</i>	<i>Isi Kandungan</i>	<i>Muka Surat</i>
1	PENGENALAN	1
2	TUJUAN	1
3	SKOP	1
4	LATAR BELAKANG	1
5	DEFINISI PELABURAN	2
6	KLASIFIKASI PELABURAN	2
7	DASAR DAN Kaedah PERAKAUNAN	3
8	PERSEMBAHAN DALAM PENYATA KEWANGAN	5
9	TARIKH KUAT KUASA	6



**1. PENGENALAN**

PPK 6 (Disemak 2012) Pelaburan menggantikan PPK 6 (2006) selaras dengan PPK 2 (Disemak 2010) Persembahan Penyata Kewangan Kerajaan.

**2. TUJUAN**

Piawaian ini bertujuan untuk menetapkan piawaian perakaunan pelaburan mengikut kehendak Perlembagaan Persekutuan dan Akta Tatacara Kewangan 1957 [Akta 61].

**3. SKOP**

Piawaian ini hendaklah diguna pakai oleh Kerajaan Persekutuan dan kerajaan negeri bagi mengurus pelaburan.

**4. LATAR BELAKANG**

4.1 Piawaian pelaburan adalah satu garis panduan bagi menyeragam amalan perakaunan yang merangkumi definisi, klasifikasi, dasar dan kaedah perakaunan, dan persembahan dalam penyata kewangan kerajaan berasaskan:

- 4.1.1 Perlembagaan Persekutuan
- 4.1.2 Akta Tatacara Kewangan 1957 [Akta 61]
- 4.1.3 Aturan dan peraturan yang berkuat kuasa
- 4.1.4 Arahan Perbendaharaan

4.2 Mana-mana perenggan di dalam piawaian ini yang merujuk kepada peruntukan di dalam Perlembagaan Persekutuan hendaklah juga dirujuk kepada peruntukan undang-undang negeri yang berkaitan mengikut mana yang berkenaan melainkan dinyatakan secara khusus.

## 5. DEFINISI PELABURAN

### 5.1 Definisi

Pelaburan adalah pegangan dalam ekuiti dan instrumen kewangan. Walau bagaimanapun, simpanan tetap bagi tempoh tiga (3) bulan atau kurang dikategorikan di bawah wang tunai.

## 6. KLASIFIKASI PELABURAN

### 6.1 Pelaburan diklasifikasikan seperti berikut:

#### 6.1.1 Pelaburan Kumpulan Wang Amanah

Pelaburan kumpulan wang amanah adalah pelaburan yang dibuat dari kumpulan wang amanah mengikut kehendak surat ikatan amanah dan arahan amanah (Seksyen 10 dan Seksyen 9 Akta Tatacara Kewangan 1957 [Akta 61]) serta peraturan yang berkuat kuasa.

#### 6.1.2 Pelaburan Am

Pelaburan am adalah semua pelaburan yang dibuat daripada lebihan wang tunai di bank.

### 6.2 Jenis pelaburan adalah seperti berikut:

#### 6.2.1 Sekuriti Kerajaan Luar Negeri

Pegangan dalam sekuriti yang diterbitkan oleh kerajaan negara luar.

#### 6.2.2 Sekuriti Kerajaan Malaysia

Pegangan dalam sekuriti yang diterbitkan oleh Kerajaan Malaysia.

### 6.2.3      **Saham**

Pegangan dalam saham syarikat yang disenaraikan di Bursa Malaysia, syarikat berkaitan kerajaan dan syarikat-syarikat lain mengikut kehendak Seksyen 8(3), Akta Tatacara Kewangan 1957 [Akta 61] serta peraturan yang berkuat kuasa.

### 6.2.4      **Deposit Luar Negeri**

Pegangan dalam deposit atau simpanan tetap dalam pelbagai mata wang asing di institusi kewangan luar negeri.

### 6.2.5      **Deposit Dalam Negeri**

Pegangan dalam deposit atau simpanan tetap di institusi kewangan dalam negeri.

### 6.2.6      **Pelaburan Lain**

Pelaburan dalam bentuk aset-aset lain seperti tanah dan emas.

---

## 7.        **DASAR DAN KAEDAH PERAKAUNAN**

### 7.1        **Kuasa Melabur**

Pelaburan boleh dibuat mengikut kehendak Seksyen 8(3) dan 8(4) Akta Tatacara Kewangan 1957 [Akta 61].

### 7.2        **Perakaunan Pelaburan**

#### 7.2.1      **Akaun Pelaburan**

Pelaburan diakaunkan pada nilai buku atau kos sejarah. Nilai nominal dan pasaran sekiranya berkaitan juga didedahkan untuk tujuan perbandingan.

Pelaburan yang dibiayai melalui akaun wang tunai diakaunkan ke akaun pelaburan dan ditunjukkan di Penyata Kedudukan Kewangan.

Kos Pelaburan dipertanggungkan ke perbelanjaan mengurus atau perbelanjaan pembangunan atau akaun amanah pelaburan dan dilaporkan dalam Akaun Memorandum Pelaburan.

**7.2.2 Terimaan Faedah, Keuntungan, Dividen, Terbitan Bonus, Terbitan Hak, Terbitan Waran, Stok Pinjaman dan Pulangan Pelaburan Lain**

- (a) Pulangan pelaburan yang diterima dalam bentuk tunai hendaklah dikreditkan ke Akaun Hasil Disatukan kecuali disyaratkan dalam mana-mana undang-undang, surat ikatan amanah dan arahan amanah.
- (b) Terbitan saham bonus yang diterima hendaklah diagregatkan untuk mendapatkan nilai sesaham. Nilai purata kos sesaham ditentukan dengan membahagikan jumlah kos asal dengan jumlah saham selepas terbitan bonus.
- (c) Terbitan Hak, Terbitan Waran dan Stok Pinjaman
  - (i) Terbitan hak, terbitan waran dan stok pinjaman yang ditawar dan diterima hendaklah dipertanggungkan kepada perbelanjaan mengurus atau perbelanjaan pembangunan atau akaun amanah pelaburan dan dilaporkan di dalam Penyata Akaun Memorandum Pelaburan.

- (ii) Terbitan hak, terbitan waran dan stok pinjaman yang diterima dan dibiayai melalui lebihan Kumpulan Wang Disatukan hendaklah diakaunkan ke akaun pelaburan.
- (iii) Terbitan hak, terbitan waran dan stok pinjaman yang dijual hendaklah dikreditkan ke Akaun Hasil Disatukan kecuali disyaratkan dalam mana-mana undang-undang, surat ikatan amanah dan arahan amanah.

**7.2.3 Terimaan Dari Keuntungan Deposit Yang Matang Dan Keuntungan Penjualan Saham Atau Pelaburan Aset**

Terimaan dari keuntungan deposit yang matang dan penjualan saham atau pelaburan aset hendaklah diakaunkan ke Akaun Hasil Disatukan kecuali disyaratkan dalam mana-mana undang-undang, surat ikatan amanah dan arahan amanah.

**7.2.4 Penutupan Akaun Akhir Tahun**

Baki akaun pelaburan pada akhir tahun kewangan akan dibawa ke akaun tahun kewangan berikutnya.

**8. PERSEMBAHAN DALAM PENYATA KEWANGAN**

Persembahan penyata kewangan tahunan hendaklah mengikut kehendak Seksyen 16(1) Akta Tatacara Kewangan 1957 [Akta 61] dan Piawaian Perakaunan Kerajaan 2 (Disemak 2010) Persembahan Penyata Kewangan Kerajaan.

**8.1 Penyata Kedudukan Kewangan**

Pelaburan ditunjukkan sebagai satu butiran berasingan dibawah Wang Awam dalam Penyata Kedudukan Kewangan. Amaun tahun sebelumnya hendaklah dinyatakan sebagai angka perbandingan.

## 8.2 **Penyata Akaun Memorandum**

Pelaburan ditunjukkan sebagai satu butiran berasingan di bawah Memorandum Aset dalam Penyata Akaun Memorandum.

Penyata Akaun Memorandum Pelaburan dijelaskan dalam Nota Kepada Penyata Kewangan.

## 9. **TARIKH KUAT KUASA**

Tarikh kuat kuasa piawaian ini bermula dengan tahun kewangan 2012.





DICETAK OLEH  
PERCETAKAN NASIONAL MALAYSIA BERHAD  
KUALA LUMPUR, 2014  
[www.printnasional.com.my](http://www.printnasional.com.my)  
email: [cservice@printnasional.com.my](mailto:cservice@printnasional.com.my)  
Tel: 03-92366888 Fax: 03-92224773